

BOSNA I HERCEGOVINA
FEDERACIJA BOSNE I HERCEGOVINE
UNSKO – SANSKI KANTON
OPĆINSKI SUD U BOSANSKOJ KRUPI

Broj: 018-0-Su-26-000 130
Dana, 04.03.2026.godine

U skladu sa svojim ovlaštenjima koja su predviđena članom 31. Zakona o sudovima u Federaciji BiH („Službene novine F BiH“ br: 38/05, 22/06, 63/10, 72/10, 7/13, 52/14 i 85/21) i članom 8. tačka a) i b) Pravilnika o unutrašnjem sudskom poslovanju („Službeni glasnik BiH“ broj: 66/12, 40/14, 54/17, 60/17, 30/18, 83/22 i 79/25), u postupku implementacije Zakona o zaštiti ličnih podataka („Službeni glasnik BiH“ broj: 12/25), predsjednik Općinskog suda u Bosanskoj Krupi donosi:

PRAVILA PRIVATNOSTI

1. CILJ I OSNOVNI POJMOVI

Cilj Pravila privatnosti Općinskog suda u Bosanskoj Krupi (u daljem tekstu: ovaj Sud) je da, u skladu sa članom 14. i 68. Zakona o zaštiti ličnih podataka, svim licima, čije lične podatke obrađuje, pruži osnovne informacije o toj obradi na transparentan način.

Pravila privatnosti se primjenjuju na sve lične podatke koje Sud prikuplja, upotrebljava ili na drugi način obrađuje, direktno ili putem drugih kontrolora.

Prema Zakona o zaštiti ličnih podataka dole navedeni pojmovi imaju sljedeća značenja:

Lični podatak je svaki podatak koji se odnosi na fizičko lice čiji je identitet utvrđen ili se može utvrditi.

Obrada ličnih podataka je svaki postupak ili skup postupaka koji se obavlja na ličnim podacima ili na skupovima ličnih podataka, automatizovanim ili neautomatizovanim sredstvima kao što su prikupljanje, evidentiranje, organizacija, strukturiranje, čuvanje, prilagođavanje ili izmjena, pronalaženje, ostvarivanje uvida, upotreba, otkrivanje prenosom, širenjem ili stavljanjem na raspolaganje na drugi način, usklađivanje ili kombinovanje, ograničenje, brisanje ili uništavanje.

Kontrolor podataka je fizičko ili pravno lice, javni organ ili nadležni organ koji samostalno ili s drugim određuje svrhe i sredstva obrade ličnih podataka.

Nadležni organ je organ koji je nadležan za sprečavanje, istragu i otkrivanje krivičnih djela, gonjenje učinilaca krivičnih djela ili izvršenje krivičnih sankcija, uključujući i zaštitu i sprečavanje prijetnji javnoj sigurnosti, kao i pravna lica ako su zakonom ovlaštena za obavljanje ovih poslova kao posebna kategorija.

2. SVRHA I PRAVNI OSNOV ZA OBRADU LIČNIH PODATAKA

Lične podatke ovaj Sud obrađuje u skladu sa članom 8. stav (1) tačka c) i e) Zakona o zaštiti ličnih podataka, a na osnovu Zakona o sudovima u Federaciji Bosne i Hercegovine, u svrhu izvršavanja svoje nadležnosti i ovlaštenja koje uključuju:

- da u prvom stepenu sudi **za krivična djela** za koja je zakonom propisana kao glavna kazna novčana kazna ili kazna zatvora od 10 godina, ako posebnim zakonom nije određena nadležnost drugog suda; za krivična djela za koja je posebnim zakonom određena nadležnost općinskog suda; za krivična djela za koja je Sud Bosna i Hercegovine prenio nadležnost na općinski sud; u svim krivičnim postupcima protiv maloljetnika; da postupa tokom istrage i nakon podizanja optužnice u skladu sa zakonom; da odlučuje o vanrednim pravnim lijekovima kada je to zakonom predviđeno; da odlučuje o brisanju osude i prestanku mjera sigurnosti i pravnih posljedica osude na osnovu sudske odluke i da postupa po molbama za pomilovanje u skladu sa zakonom;
- da u prvom stepenu sudi u svim **građanskim sporovima** i u vanparničnom postupku;
- da u prvom stepenu sudi u svim **prekršajnim predmetima** i odlučuje o zahtjevima za ponavljanje prekršajnog postupka;
- u **drugim predmetima**: da vodi izvršni postupak, ako zakonom nije drugačije određeno; da određuje mjere osiguranja, ako zakonom nije drugačije određeno; da rješava u posebnim postupcima, ako zakonom nije drugačije određeno; da obavlja zemljišno-knjižne poslove u skladu sa zakonom; da pruža pravnu pomoć sudovima u Bosni i Hercegovini; da vrši poslove međunarodne pravne pomoći, ako zakonom nije određeno da neke od tih poslove vrši kantonalni sud i
- da vrši druge poslove određene zakonom.

Lične podatke ovaj Sud obrađuje na osnovu Zakona o zaštiti ličnih podataka i u slijedeće svrhe:

- izrade statističkih, strateških i drugih analitičkih dokumenata;
- odgovora na zahtjeve za slobodan pristup informacijama;
- za upis podataka u odgovarajuće evidencije i registre koje ovaj Sud vodi na osnovu zakona;
- obavljanje poslova u ovom Sudu i provođenje postupaka i aktivnosti utvrđenih zakonom;
- izrade raznih dokumenata u okviru realizacije naloga Visokog sudskog i tužilačkog vijeća Bosne i Hercegovine i drugih institucija vlasti.

3. PRAVA NOSIOCA PODATAKA U VEZI SA OBRADOM LIČNIH PODATAKA

Nosilac podataka, u vezi sa obradom njegovih ličnih podataka, ima slijedeća prava:

- **pravo na pristup svom ličnom podatku** - pravo nosioca podataka da zatraži detaljne informacije o svrsi obrade, o vrsti/kategoriji ličnog podataka koji se obrađuje, uključujući i uvid u svoje lične podatke, o primaocima ili kategorijama primalaca kojima je lični podatak otkriven ili će biti otkriven, te o predviđenom vremenskom roku čuvanja ličnih podataka. Pristup ličnim podacima može biti ograničen samo u slučaju kada je posebnim zakonom propisano ograničenje zbog poštovanja prava i sloboda drugih lica.
- **pravo na ispravku ličnih podataka** – pravo nosioca podataka da zahtijeva ispravljanje ili dopunjavanje ličnih podataka ukoliko nisu tačni, potpuni ili ažurni. U zahtjevu je potrebno navesti koji dio ličnih podataka je netačan, nepotpun ili neažuran i u kojem smislu bi navedene podatke trebalo ispraviti, dopuniti ili ažurirati, te dostaviti potrebnu dokumentaciju u prilog svojih navoda.
- **Pravo na prigovor** - pravo nosioca podataka da u svakom trenutnu podnijeti prigovor kontroloru podataka na obadu svog ličnog podataka u skladu sa članom 8. stav 1. tačka e) ili f) Zakona o zaštiti ličnih podataka
- **Pravo na brisanje** – pravo nosioca podataka da traži brisanje svog ličnog podatka ukoliko:
 - lični podatak više nije potreban za svrhu za koju je prikupljen ili obrađen,

- ukoliko je nosilac podataka povukao saglasnost na kojoj je obrada ličnih podataka zasnovana (ako se lični podaci obrađuju uz saglasnost nosioca - član 8. stav (1). ili član 9. Zakona o zaštiti ličnih podataka),
 - ukoliko je nosilac podataka uložio prigovor na obradu svojih ličnih podataka, u skladu sa člankom 23. stav (1) Zakona,
 - te ako ne postoje drugi pravni osnovi za obradu ili su lični podaci nezakonito obrađeni;
- **Izuzeci za ostvarivanje prava na brisanje** su u situacijama kada se lični podaci koriste:
- radi ostvarivanja prava na slobodu izražavanja i informiranja;
 - radi poštovanja pravne obaveze ili za izvršavanje zadataka u javnom interesu ili pri izvršavanju službenih ovlaštenja kontrolora;
 - u svrhe arhiviranja u javnom interesu, u svrhe naučnog ili historijskog istraživanja ili u statističke svrhe, u skladu sa članom 56. stav (1), u mjeri u kojoj je vjerovatno da se pravom iz stava (1) može onemogućiti ili ozbiljno ugroziti postizanje ciljeva te obrade;
 - ili radi postavljanja, ostvarivanja ili odbrane pravnih zahtjeva.

4. SIGURNOST LIČNIH PODATAKA

Lične podatke ovaj Sud obrađuje na način kojim se osigurava odgovarajuća sigurnost i povjerljivost kao i odgovarajuća primjena principa zakonite obrade ličnih podataka, smanjenje količine ličnih podataka, po principu neophodnosti, poštujemo vremenski period čuvanja ličnih podataka kao i njihovu raspoloživost.

5. PRENOS LIČNIH PODATAKA DRUGIM KONTROLORIMA PODATAKA

Lične podatke Sud može dati drugim kontrolorima ukoliko je to potrebno za izvršavanje zakonom propisanih obaveza.

Takođe, lične podatke Sud neće prenositi drugim kontrolorima u inostranstvu, osim ukoliko takva obrada nije neophodna na osnovu zakona ili međunarodnog ugovora koji ga obavezuje.

Lične podatke Sud daje pružaocima informatičko-komunikacionih usluga sa kojima je zaključio ugovor i koji poštuju pravila postupanja sa ličnim podacima.

Lične podatke ovaj Sud neće prenositi u svrhu direktnog marketinga.

6. VREMENSKI PERIOD ČUVANJA LIČNIH PODATAKA

Lične podatke nosilaca podataka Sud obrađuje u roku koji je potreban da se ispuni svrha njihove obrade.

Nakon prestanka svrhe u koju su prikupljeni i obrađeni, lični podaci se više ne koriste, ali se čuvaju u arhivi onoliko vremena koliko obavezuju zakonski propisi o arhivskoj građi

7. KORIŠTENJE KOLAČIĆA I OBJAVA SADRŽAJA NA WEB-STRANICI SUDA

Objavljivanje sudskih odluka/presuda i informativnog sadržaja na web stranici suda vršit će se u skladu sa zakonima FBiH, poštujući princip transparentnosti rada sudova, uzimajući u obzir javni interes, pravo na zaštitu privatnosti i zaštitu ličnih podataka, te zaštitu interesa maloljetnika, svjedoka i oštećenog.

Na našoj službenoj internetskoj stranici *Općinski sud u Bosanskoj Krupi* / *pravosudje.ba* koriste se obavezni, odnosno tehnički kolačići (cookies). Ti kolačići su male datoteke koje omogućavaju ispravan

rad internet mjesta i ne možemo ih isključiti, te za njihovo korištenje ne trebamo vašu saglasnost. Obavezni kolačići ne pohranjuju nikakve informacije koje bi vas mogle identifikovati.

8. PROMJENE PRAVILA PRIVATNOSTI

Ovaj Sud će redovno ažurirati Pravila privatnosti kako bi ista sadržavala tačne informacije.

O svim izmjenama i dopunama nosioci podataka će biti blagovremeno informisani, u skladu sa principom transparentnosti.

Za ostvarivanje prava nosilac podataka se može obratiti službeniku za zaštitu ličnih podataka na dole navedene kontakt podatke.

9. PODACI O SLUŽBENIKU ZA ZAŠTITU LIČNIH PODATAKA

Službenik za zaštitu ličnih podataka u ovom Sudu je Bužimkić Selma, državni službenik.

E-mail: selma.buzimkic@zkuredopsudbkrupa.ba

Telefon: +387 37 476 538

NAPOMENA:

Službenik za zaštitu ličnih podataka u Sudu ne daje pravne savjete drugim kontrolorima i obrađivačima. Njegova osnovna uloga je davanje savjeta i preporuka o obradi ličnih podataka uposlenima u ovom Sudu, koji rade na poslovima obrade ličnih podataka, te nosiocima ličnih podataka čiji lični podaci se obrađuju od strane ovog Suda (podnosioci prigovora, podnosioci prijave, zaposleni i sl.)

10. KONTAKT INFORMACIJE

OPĆINSKI SUD U BOSANSKOJ KRUPI,
Ulica Reis Džemaludina Čauševića broj: 2.,

Bosanska Krupa 77240

Telefon: +387 37 476 538

Faks: +387 37 476 539

Email: opsud.bosanskakrupa@pravosudje.ba



PREDSJEDNIK SUDA

— Puškar-Emir